

XXIV. IGANDEA URTEAN ZEHAR (A)

Otoitza

Diren guztien egile eta nagusi zaren Jainko Jauna,
 begira iezaguzu
 eta emaguzu bihotz guztiz Zu zerbitzatzea,
 zure errukiaren ondasunak irits ditzagun.
 Zure Seme Jesu Kristo.

I. IRAKURGAIA: Sir 27, 33–28, 9

*Barka zure lagunurkoari berak hutsegina,
 eta zuk eskatzean, barkatuko zaizkizu zure bekatuak.*

Siraken liburutik

Higuingarri dira gorrotoa eta haserrea;
 horien jabe da bekataria.
 Mendeku egiten duenak,
 mendeku hartuko du Jainkoarengandik,
 eta Jainkoak zorrotz eramango du
 haren bekatuen kontua.
 Barka zure lagunurkoari berak hutsegina,
 eta hala, zuk eskatzean,
 zuri ere barkatuko zaizkizu zure bekatuak.
 Gizaki batek beste bati gorrotoa baldin badio,
 nola eskatu Jaunari osasuna?
 Gizakiak bere kidekoarentzat errukirik ez badu,
 nola otoitz egin bere bekatuengatik?
 Gizakiak, bera haragizkoa izanda,
 besteri gorrotoa badio,
 nor izango du bere bekatuentzat barkamen-opari?
 Izan gogoan bizitzaren azkena, eta utzi gorrotoa;
 izan gogoan heriotza eta usteltzea,
 eta jarrai leial aginduei.
 Izan gogoan aginduak,
 eta ez izan gorrotorik lagunurkoari;
 izan gogoan Jaunaren elkargoa eta barka hutsegiteak.

ERANTZUN SALMOA: Sal 102, 1-2. 3-4. 9-10. 11-12

**R/. Errukior da Jauna eta kupibera,
 berant-haserre eta guztiz onbera.**

Ene arima, goretsazu Jauna,
 neure barren osoak Haren izen deuna.
 Ene arima, goretsazu Jauna,

eta ez ahaztu Hark zuri egina. R/.

Hark barkatzen baititu zure hobenak,
sendatzen zure gaitzak denak;
begiratzen heriotzatik zure bizia,
ematen dizu buruntzat grazia eta errukia. R/.

Ez da beti auzitan ariko,
ez da haserretuko beti.
Ez dihardu gurekin gure hobenen neurrira,
ez digu ordaintzen geure erruen harira. R/.

Zerua lurretik goi dagoen adinean,
goi da Haren maitasuna beldur diotenen gainean;
sortalde-sartaldeak urrun baitadude elkarrengandik,
hain urrun bidaltzen ditu gure gaiztakeriak gugandik. R/.

II. IRAKURGAIA: Erm 14, 7-9

Bizitzan nahiz heriotzan, Jaunarenak gara.

San Paulo Apostoluak Erromatarrei

Senideok: Guretakorik inor ez da beretzat bizi; ezta inor beretzat hiltzen ere. Bizi bagara, Jaunarentzat gara bizi; eta hiltzen bagara, Jaunarentzat gara hiltzen. Beraz, bizitzan nahiz heriotzan, Jaunarenak gara.

Honetarako hil eta bizitu zen Kristo: bizien eta hilen Jauna izateko.

EBANJELIOA: Mt 18, 21-35

Aleluia: Ik. Jn 13, 34

R/. Aleluia.

V/. Agindu berri bat ematen dizuet —dio Jaunak—:

Maita ezazue elkar,

Nik maite izan zaituztedan bezala. R/.

*Zazpi aldiz ez,
baizik zazpitan zazpi hamar aldiz barkatu behar duzu.*

Jesu Kristoren Ebanjelioa San Mateoren liburutik

Aldi hartan, Pedrok, Jesusengana hurbildurik, honela esan zion: «Jauna, nire anaiak hutsegiten badit zenbat aldiz barkatu behar diot? Zazpi aldiz?»

Jesusek erantzun zion: «Zazpi aldiz ez, baizik eta zazpitan zazpi hamar aldiz.

Horregatik, zeruetako erreinua, morroiekin bere harremanak garbitu nahi izan zituen erregearen antzekoa da. Hasteko, hamar mila talentu zor zizkion bat ekarri zioten. Eta nondik ordaindurik ez baitzeukan, nagusiak agindu zuen haren emazte, seme-alaba eta zituen guztiak saltzeko, eta horrela zorrak ordaintzeko. Morroiak, nagusiaren oinetan ahozpeztur'»

zion: "Emadazu epea, eta dena ordainduko dizut". Erruki izan zuen nagusiak morroia, askatu zuen eta barkatu egin zion zorra.

Morroii horrek, atera zenean, hor topatzen du, ehun denario zor zizkion bere morroi-lagun bat; leptok heldu eta, itobeharrez, honela eraso zion: "Ordain iezadazu zor didazuna". Eta lagunak, haren oinetan ahozpezturik, arren eta arren esaten zion: "Emadazu epea eta dena ordainduko dizut". Baina bestea ezetzean zegoen; eta joan eta giltzapean sartu zuen, zorra ordaindu arte.

Haren morroi-lagunek, gertatu zena ikusita, bizirotsek atsekabeturik gelditu ziren; eta nagusiarengana joan eta salatu egin zioten dena. Orduan nagusiak deitu eta esan zion: "Morroi gaiztoa, zor guztia barkatu dizut, eskatu didazulako; ez al zen bidezkoa, zu ere zeure morroi-lagunaz errukitzea, ni zutaz errukitu nintzen bezala?" Eta nagusiak, haserretuta, zigorlarien esku utzi zuen, zor guztia ordaindu arte.

Zuei ere berdin egingo dizue zeruetako nire Aitak, elkarri bihotzez barkatzen ez badiozue».

Oparigaien gainekoa

Bihotz onez entzun, Jauna, gure eskariak
eta onartu zeure zerbitzarien eskaintzak;
bakoitzak zure izena goresteko eskaintzen duena,
denen salbamenerako izan dadila.
Jesu Kristo.

Jaunartze ondorengoa

Jaunartze honen grazia, Jainko Jauna,
gure gorputz-arimen jabe egin dadila,
geure nahiak ez,
baizik eta grazia honen indarrak agindu dezan gure bizitzan.
Jesu Kristo.